

ԵԿԵՂԵՑԱԿԱՆ

# ՍՈՒՐԲ ԵՅՈՒՌՈՆՈՎ ՕՐԶՆՎԱԾ ԶՈՒՐԸ ԲԱԺԱՆՎԵՑ ԹԲԻԼԻՍՅԻՆԵՐԻՆ

Հայաստանյայց Առաքելական Սուրբ Եկեղեցուն, ընդունված կարգի համաձայն, Նորօրինյալ Սրբալույս Մյուռոնով բեմերում կատարվում է Զորիների արարողություն:



Հոկտեմբերի 20-ին Վիրահայոց թեմի Թբիլիսիի Սուրբ Գեուրգ առաջնորդանիստ եկեղեցուն կատարվեց Նորօրինյալ Սրբալույս Մյուռոնով ջրի օրհնության կարգ: Կիրակնօրյա Սուրբ Պատարագ մատուցեց Վիրահայոց թեմի առաջնորդ Տեր Կիրակոս Եպիսկոպոս Դավթյանը: Հավարտ Սուրբ Պատարագի, Սրբազան Հայրը Նորօրինյալ Սրբալույս Մյուռոնով օրհնեց ջուրը, որից հետո այն բաժանվեց հավատացյալներին:

## ՄԵՐ ԵԿԵՂԵՑԻՆԵՐԻ ՎԱՐԱԳՈՒՅՐՆԵՐԻ ԽՈՐՀՈՒՐԴ

Գիտե՞ք, արդյոք, որ Հայ Առաքելական Սուրբ Եկեղեցու ծիսաարարողակարգի կարևոր և պարտադիր բաղադրամասն է վարագույրը, որի գործածումը դարերի պատմություն ունի:

Շատերն ենք, հավանաբար, նկատել, որ մեր եկեղեցիների խորանը ծածկող վարագույրները երկու գույն ունեն՝ կարմիր և կապույտ:



Մեր ընթերցողին հակիրճ ներկայացնենք, թե որն է գույներից յուրաքանչյուրի խորհուրդը:

Կարմիր (հրեղեն) վարագույրը Աստուծոն բաժանում է հրեշտակներից, իսկ կապույտ (ջրեղեն) վարագույրը՝ հրեշտակներին բաժանում է ժողովրդից:

Ի դեպ, կա վարկած, որ ժամանակին եկեղեցուն գործածվել են տարբեր վարագույրներ, որոնք ըստ անհրաժեշտության նկարագրողվել են: Սակայն Մեծ եղեռնից հետո, ցավոք, վարագույրների նկարագրողման արվեստը դադարել է գոյություն ունենալ:

Հայ Առաքելական Սուրբ Եկեղեցու վարագույրի խորհրդաբանությունը պահպանված է նաև Վիրահայոց թեմի Թբիլիսիի Սուրբ Գեուրգ առաջնորդանիստ եկեղեցուն, թեև վերջին հիմնամորոգումից հետո, մի փոքր խաթարվել էր գունային խորհուրդը:

Սուրբ Գեուրգ եկեղեցուն որոշ ժամանակ վարագույրներից մեկը՝ կապույտը՝ բացակայեց: Պատճառը՝ վերջինիս հնամաշ լինելն էր: Արդյունքում կապույտը հանվեց, իսկ կարմիրը նվիրվեց Վիրահայոց թեմի Սանցիսե-Չավախեթի և Ծալկայի փոխառաջնորդության եկեղեցիներից մեկին:

Արդեն 2015 թվականին, առաջնորդանիստ տաճարի վերանորոգմանը հաջորդող հանդիսավոր բացմանը, տեղադրվեց միայն մեկ նոր՝ կարմիր վարագույր: Դրանից հետո, մինչև 2023 թվականի վերջ, Սուրբ Գեուրգ առաջ-

ՇՆՈՐՀԱՆՂԵՍ

# «ՃԱԿԱՏԱԳՐԻ ԳԵՂԱՐՂԸ» ԿՐՈՆԱԿԱՆ ԴԵՏԵԿՏԻՎԸ ՎԻՐԱՅԱՅ ԸՆԹԵՐՅՈՂՈՒՆ ՆԵՐՎԱՅԱՅՐԵՑ ԳՐԲԻ ՇԵՂԻՆԱԿԸ

2024 թվականի հոկտեմբերի 21-ին, Վիրահայոց թեմի «Հովհ.Թումանյանի տուն» գիտամշակութային կենտրոնում, թեմի առաջնորդ Տեր Կիրակոս Եպիսկոպոս Դավթյանի օրհնությամբ կայացավ «Ճակատագրի գեղարդը» գրքի շնորհանդեսը:

Գիրք, որի առանցքում հրաշագործ գեղարդի անհայտացման և դրա վտանգավոր որոնման պատմական արկածախնդրային իրադարձություններն են:

Գրքի շնորհանդեսին անձամբ ներկա էր գրքի հեղինակ՝ փաստաբան, Ռուսաստանի գրողների միության անդամ, Ռուսաստանի և Նախիջեանի թեմի իրավաբանական օգնության կենտրոնի ղեկավար, փաստաբանության ոլորտում Ազգային մրցույթի 2021 թվականի «Ոսկե գրիչ» անվանակարգի դափնեկիր Ռուբեն Մարգարյանը:



Շնորհանդեսի բացման խոսքից եւ Տերունական աղոթքից հետո՝ գրքի հեղինակը ներկայացրեց կրոնական դետեկտիվի ժանրով վեպ գրելու դրդապատճառը, գեղարդի որոնման հետաքննությունը ներկայացնելու իր որոշումը: Նրա գրչի ներքո գեղարվեստորեն բացահայտվել են այն երեւոյթը եւ իրադարձությունները, որոնք փաստացի ամրագրված են հայ ժողովրդի հոգեւոր կյանքի պատմությունում:

Անշուշտ, հետաքրքրությունը մեծ էր, ինչն ակնհայտորեն դրսևորվեց հեղինակին ուղղված տարբեր հարցերով, որոնք առնչվում էին թրիլլերի ժանրով գրված «Ճակատագրի գեղարդը» վեպի գլխավոր հերոսներ քահանայի, սարկավագի և իրավաբանի կողմից

Գերմանիայում, Ֆրանսիայում ծավալված գործունեության, Հայաստանի տարբեր եկեղեցիներում ու վանքերում տեղի ունեցած հերոսների իրադարձությունների հետ:

Շնորհանդեսին ներկա Փարիզի «Սուրբ Հովհաննես» եկեղեցու հոգեւոր հովիվ Տեր Նարեկ քահանա Դուշյանը բարձրաձայնեց հեղինակի մտաւղացումը՝ կրոնական դետեկտիվը անպայման նաեւ վիրահայ ընթերցողին ներկայացնելու մասին, իսկ «Վրաստան» թերթի խմբագիր Վան Բայբուրթյանը շնորհակալություն հայտնեց հեղինակին՝ իր արդեն երրորդ գրքի շնորհանդեսը բազմաթիվ այլ քաղաքներից հետո նաեւ Թբիլիսիում իրականացնելու համար:

Միջոցառման ավարտին՝ Ռուբեն Մարգարյանն իր մակագրությամբ «Ճակատագրի գեղարդը» գիրքը նվիրեց ներկայից:

### ՆԱՄԱԿ՝ ԽՄԲԱԳՐՈՒԹՅԱՆԸ

## ՄԵՐ ՍԻՐԵԼԻ ԲԺՇԿՈՒՅԻ ՎԵՆԵՐԱՆ



Վեներա Մահտեսյան

Ծնունդով Ախալքալաքի շրջանի Օլավերո գյուղից Վեներա Ավետիսի Մահտեսյանը, 1978 թվականին հաջողությամբ ավարտելով Երեւանի պետական բժշկական ինստիտուտը, որպես թերապեւտ բժիշկ աշխատանքի է անցնում Ախալքալաքի մունիցիպալային հոսպիտալում, որի տնօրենը Վրաստանում ճանաչված վիրաբույժ, բժշկական գիտությունների դոկտոր Ալեքսան Թորոյանն է:

Երիտասարդ Վեներան, հավատարիմ մնալով բժշկապետ Հիպոկրատի երդմանը, փորձ ու հմտություն ձեռք բերելով, արժանանում

է մեր շրջանի բուժառուների վստահությանն ու համակրանքին:

Տարիների ընթացքում բժշկուհին դառնում է հիվանդանոցի անվանի բժիշկներից մեկը:

Այն հարցին, թե ի՞նչ ապրումներ է ունենում ծանր, չբուժվող հիվանդների բուժման ընթացքում, պատասխանում է.

- Չկան չբուժվող հիվանդություններ, կան չբուժվող հիվանդներ... Ես հոգեբանորեն ազդում եմ, համոզում, որ իմ ճիշտ ախտորոշումն ու նշանակումներն անպայման կօգնեն, եւ հիվանդներն արիանում են, մեծ մասամբ բուժվում... Դա իմ հաջողությունն է... Այո՛, բժշկուհի, Ձեր հաջողությունների եւ բժշկական հմտությունների մասին գիտեն շատերը և այսօր, արդեն իսկ լիարժեք առողջացած նրանք՝ Ձեր նախկին բուժառուները, «Վրաստան» թերթի էջերից եւս հայտնում են իրենց խորին շնորհակալությունը եւ երախտագիտությունը՝ մաղթելով իրենց սիրելի բժշկուհուն երկար ու երկար տարիների անխափան առաքելություն:

ԳԵՎՈՐԳ ՀԱՅԱՍՍ Գրող, հրապարակախոս, Վրաստանի հայ գրողների «Վերնատուն» միության անդամ

Ախալքալաքի մունիցիպալիտետ գյուղ Մերենիա

# «ՎՐԱՑԱԿԱՆ ԵՐԱԶԱՆՔԸ» ԵՐԿՐԻ ԽԱՂԱՂ ԱՌԱՋԸՆԹԱՅԻ ՄԻԱԿ ԵՐԱՇԽԻՔ

(Սկիզբը՝ 1-ին էջում)

Թբիլիսիում էին գտնվում նաև Ախալքալաքի, Կինո-մինդայի, Ախալցխի, Ծալկայի, Թեթրիժոլարոյի, Վրաստանի հայաբնակ մյուս երկրամասերի առանձին բնակավայրերի ներկայացուցիչները, մունիցիպալիտետների, տեղական ինքնակառավարման մարմինների ղեկավարները, երկրամասային վարչակազմերի անդամները...

Թբիլիսյան հանրահավաքի մասնակիցների առջև, «Վրացական երազանքի» կողմից անցած 12 տարիներին իրականացված եւ առաջիկայի համար նախատեսված ծրագրերի հանրագումարով, ելույթ ունեցան «Վրացական երազանք-ժողովրդավարական Վրաստան» կուսակցության նախագահ Իրակլի Դարիբաշվիլին, կուսակցության գլխավոր քարտուղար Կախա Կալաձեն, գործադիր քարտուղար Մամուկա Մոխինարաձեն, Վրաստանի վարչապետ Իրակլի Կոբախիձեն, Խորհրդարանի նախագահ Շավլա Պապուաշվիլին: Հանրահավաքի մասնակիցների առջև ելույթ ունեցավ նաև «Վրացական երազանք-ժողովրդավարական Վրաստան» կուսակցության հիմնադիր եւ պատվավոր նախագահ Բիծինա Իվանիշվիլին:

## ԲԻԶԻՆԱ ԻՎԱՆԻՇՎԻԼԻ. «ԱՐԺԱՆԱՊԱՏԻՎ ԸՆԱՊԱՐԳՈՎ ՎՐԱՍՏԱՆԻ ԻՐ ԱՐԺԱՆԻ ՏԵՂԸ ԿԳՐՎԻ ԱՇԽԱՐՀԻ ԱՌԱՋԱՂԵՍ ԵՐԿՐՆԵՐԻ ՀԱՐՔՈՒՄ»



Հոկտեմբերի 26-ին անցկացվելիք Խորհրդարանական ընտրությունների քարոզարշավի հանրահավաքին, «Վրացական երազանք» կուսակցության պատվավոր նախագահ Բիծինա Իվանիշվիլին հայտարարեց, որ չնայած առաջընթացին ու որակապես բարելավված վիճակին, իհարկե, կառավարող թիմը շատ լավ հասկանում է, որ ժողովրդի ու երկրի բարեկեցությունն ապահովելու համար շատ ծանր աշխատանք է սպասվում, սակայն ոչինչից չպետք է վախենալ, չպետք է ընկրկել...

- Հետո ի՞նչ, էթե մենք փոքր երկիր ենք եւ հարուստ չենք բնական պաշարներով, մեր հարստությունը մեր ժողովուրդն է, մեր տքնաջան աշխատանքը եւ այն զարմանալի համառությունը, որով Դավիթը հաղթեց Գոլիաթին: Վրաց ժողովրդի հետ միասին, մեր երկրի բնակչությունը, «Վրացական երազանքը» երկրի միակ պատասխանատու քաղաքական ուժը, կկարողանան արժանապատվորեն առաջնորդել Վրաստանին այս դժվարին ճանապարհին՝ զարգացած, հարուստ, ժողովրդավարական, առաջադեմ երկրների մեջ զբաղեցնելու մեր արժանի տեղը: Սակայն կա մեկ հիմնարար կարեւորություն, որը սահմանում է պայմանավորում է մեր երկրի համար ամեն ինչ:

Ի՞նչ գին ունի խաղաղությունը, մեզ լավ է սովորեցրել մեր երկրի պատմությունը, ներառյալ ոչ հեռավոր անցյալը: Ընդամենը երեք տասնամյակ առաջ Թբիլիսիում, քաղաքի սրտում, վրացիները կրակում էին միմյանց: Ել չեն խոսում 90-ականների ռազմական հակամարտությունների ու 2008-ի ողբերգության մասին, որը «Ազգային շարժումը» բերեց երկիր:

Եվ սա եւս մեկ սկզբունքային տարբերություն է «Ազգային շարժման» ռեժիմի եւ 2012 թվականի հոկտեմբերի 1-ին ծնված Վրաստանի ժամանակաշրջանի միջև: «Վրացական երազանքը» կարողացավ անել գործնականում անհնարին՝ պահպանեց խաղաղությունը:

Պետականորեն մտածող եւ ողջամիտ ցանկացած մարդ կհամաձայնի, որ խաղաղության պահպանումը կենսական նշանակություն ունի մեր երկրի համար՝ հաշվի առնելով այն մարտահրավերները, որոնց բախվում է Վրաստանը տարածաշրջանում շարունակվող ռազմական հակամարտությունների ֆոնին: Երկրի զարգացումը հնարավոր է միայն խաղաղության պայմաններում եւ դրա վկայությունն է այն հաջողությունը, որին հասել է «Վրացական երազանքի» կառավարությունը շարունակական խաղաղության այս 12 տարիների ընթացքում,- ասաց Բիծինա Իվանիշվիլին:

## ԻՐԱՎԻԻ ԿՈՐԱԽԻԶԵ. «2030 ԹՎԱԿԱՆԻՆ ԱՐԺԱՆԱՊԱՏՎՈՒԹՅԱՆ, ԱՆԿԱՆՈՒԹՅԱՆ ԵՎ ԻՆՔՆԻՇՆԱՆՈՒԹՅԱՆ ՊԱՅՊԱՆԱՍՄԱՐ ԿՐԱՌՆԱՆՔ ԵՎՐԱՍԻՈՒԹՅԱՆ ԱՆՊԱՄ»



Հանրահավաքին Վրաստանի վարչապետ Իրակլի Կոբախիձեն իր խոսքում անդրադարձավ Եվրամիությանը Վրաստանի անդամակցությանը, ընդգծելով, որ Եվրոպային հարիր չէ այն անարդարությունը, որը մենք այդքան հաճախ լսում ենք Եվրամիության քաղաքական գործիչներից եւ պաշտոնյաներից, Եվրոպային հարիր չէ քրիստոնեական դոգմաների մերժումը, ԼԳԲՏ քարոզչությունը, Եվրոպային հարիր չէ անթափանցիկությունը եւ ուրիշների ինքնիշխանության հանդեպ անհարգալից վերաբերմունքը:

Վարչապետի խոսքով, մինչեւ 2030 թվականը Վրաստանը Եվրամիության անդամ կդառնա միայն արժանապատվությամբ, քրիստոնեությամբ, եկեղեցու եւ բարոյականության նկատմամբ հարգանքով:

- Մինչեւ 2030 թվականը մենք Եվրամիության անդամ կդառնանք միայն արժանապատվությամբ, հարգելով քրիստոնեությունը, եկեղեցին եւ բարոյականությունը, անկախությունն ու ինքնիշխանությունը: Դեպի Եվրոպա միայն արժանապատվությամբ. սա այն քաղաքականությունն է, որը սահմանել է պարոն Բիծինա Իվանիշվիլին, եւ ես ուզում եմ մեկ անգամ եւս շնորհակալություն հայտնել նրան դրա համար: Առանց խաղաղության չկա ո՛չ զարգացում, ո՛չ Եվրասիաներում: Անցած չորս տարիների ընթացքում մենք դիմակայել ենք ամենածանր ճնշումներին ու շանտաժին, եւ չնայած ամենամեծ ռիսկերին պահպանել ենք երկրի խաղաղությունը: Մեր կառավարությունը անկախության վերականգնումից հետո առաջին կառավարությունն է, որի օրոք երկիրը պատերազմ չի ունեցել: Մենք Վրաստանում պահպանել ենք 12 տարվա անխափան խաղաղություն, եւ նույնիսկ հիմա «Վրացական երազանքը» միակ երաշխիքն է, որ երկիրը կշարունակի իր խաղաղ եւ կայուն զարգացումը բոլոր ուղղություններով: Մեր ընդդիմախոսները հաճախ փորձում են հասարակության մեջ սերմանել այն սխալ գաղափարը, որ Վրաստանը կարող է բարձր եկամուտ ունեցող երկիր դառնալ միայն նրանից հետո, երբ անդամակցենք Եվրամիությանը: Իրականում ամեն ինչ հակառակն է՝ Վրաստանը կարող է ընդունվել Եվրամիություն միայն նրանից հետո, երբ դառնա բարձր եկամուտ ունեցող երկիր,- ասաց Կոբախիձեն:

## ԿԱՆԱ ԿԱԼԱԶԵ. «ՄԵՆՔ ԶԵՆՔ ԿԱՐՈՂ ՄԵՐ ՀԱՅՐԵՆԻՔԸ ԶԻՏԵԼ ՀԱՅՐԵՆԻՔ ԶՈՒՆԵՑՈՂՆԵՐԻՆ»

Քարոզարշավի եզրափակիչ հանրահավաքին «Վրացական երազանք» կուսակցության գլխավոր քարտուղար Կախա Կալաձեն իր խոսքում հիմնականում անդրադարձավ հավաքական «Ազգային շարժման» հակազգային, հակապետական, ապակայունացնող, հանրության պառակտման ուղղված գործունեությանը, նշելով, որ դաժանները չեն կարող վերադառնալ իշխանություն, էթե



չեն սիրում իրենց հայրենիքը՝ մենք չենք կարող մեր հայրենիքը զիջել հայրենիք չունեցողներին, շեշտեց նա:

Կախա Կալաձեի հավաստմամբ, անհայրենիքն ավելի վտանգավոր է, քան թշնամին, քանի որ ստորագրում է ամեն տեսակ կեղտի տակ:

- Ուզում եմ հիշել, թե 2012 թվականին ինչ որոշիչ դեր խաղաց Թբիլիսի երկրի կյանքում: Բիծինա Իվանիշվիլիի շուրջ համախմբված վրաց ժողովուրդը հրաժարվեց բռնությունից, դաժանությունից, ստից ու կեղծիքից: Եվ այսօր էլ, ցավոք, նման ճնշումներով ու շանտաժով փորձում են նրանց վերադարձնել իշխանության: Նրանք ուղղակիորեն միջամտում են ընտրություններին, երկրի քաղաքական կյանքին: Արտաքին ուժերը չեն կարողանում հարմարվել այն փաստին, որ Վրաստանը չի կիսել Ուկրաինայի ճակատագիրը, չի միացել պատժամիջոցներին: Մեզ պնդում են, որ սպիտակը սեւ է, թափանցիկությունը հակա-ժողովրդավարական է, իսկ ԼԳԲՏ քարոզչությունը մարդասիրության եւ ազատականության դրսեւորում է: Մեզ ասում են, որ արմատականները, որոնք կոչվում են հասարակական կազմակերպություններ, իրավունք ունեն միջոցներ ստանալ, օգտագործել այս ամենը մարդկանց հակադրելու, հեղափոխություններ կազմակերպելու, ծայրահեղականությունը ֆինանսավորելու համար, եւ պարզվում է, որ վրաց ժողովուրդը չպետք է այս մասին ոչինչ իմանա: Ես ուզում եմ դիմել այստեղի մանր արմատականներին եւ սաղորիչներին, որ այսպես շարունակվել չի կարող: Անհայրենիք, դավաճան մարդիկ չեն կարող վերադառնալ իշխանության, Վրաստանը չի վերադառնա անցյալ: Միայն խաղաղություն, միայն հաղթանակով դեպի Եվրոպա: Նրանց կառավարումը Վրաստանին բերեց բազում դժբախտություններ, որոնք վրաց ժողովուրդը չի մոռանա եւ թույլ չի տա, որ արտաքին ուժերի շահերի պատճառով երկիրը նորից ներքաշվի պատերազմի կրակի մեջ: Եթե դու չես սիրում քո հայրենիքը, ինչպե՞ս կարող ես սիրել եւ հարգել մեկ այլ երկիր: Անհայրենիքն ավելի վտանգավոր է, քան թշնամին, քանի որ նա ստորագրում է ամեն տեսակ կեղտի տակ,- ասաց Կախա Կալաձեն:

## ՀԱԼԿԱ ՊԱՊՈՒՄԵՎԻԼԻ. «2022 ԹՎԱԿԱՆԻՆ ՄԵՆՔ ՎՐԱՍՏԱՆԸ ՓՐԵՑԻՆՔ ՊԱՏԵՐԱԶՄԻՑ ԵՎ ԱՎԵՐԱԾՈՒԹՅՈՒՆՑ»



Վրաստանի Խորհրդարանի նախագահ Շավլա Պապուաշվիլին, «Վրացական երազանքի» թբիլիսյան հանրահավաքին, իր խոսքում առանձնակի կանգ առավ խաղաղության պահպանման համար իշխանության գործադրած ջանքերի վրա, նշելով, որ 2022 թվականին իրենք Վրաստանը փրկեցին պատերազմից եւ ավերածություններից, պատերազմ, որը վերջնականապես կփշրեր Վրաստանի քաղաքացիների հույսերն ու երազանքները, իսկ ազատ ու անկախ Վրաստանը միայն պատմության գրքերի մեջ կհայտնվեր:

- Երբ հարցրինք, թե պատժամիջոցներին միանալու արդյունքում առաջացած տնտեսական բարդությունների դեպքում տնտեսական կամ ֆինանսական երաշխիքներ տալի՞ս են, պատասխանն էր՝ ոչ: Երբ հարցրինք, էթե այս էսկալացիան վերաճի պատերազմի, մեզ անվտանգության երաշխիքներ տալի՞ս են, պատասխանը կրկին ոչ էր: Երբ հարցնում էինք, ի՞նչ է մենք մեզ պարզապես զոհաբերելու ենք՝ լռություն էր: Լռություն, որն ավելին է, քան պատասխանը: Հետո մեզ կանգնեցրին ընտրության առջև՝ կա՛ն ներս մտեք կա՛ն դուրս եկեք: Սակայն մենք չընկրկեցինք, որովհետեւ մեր թիկունքում կանգնած էր մեր ժողովուրդը, որովհետեւ մեր թիկունքում կանգնած էին մեր աբխազ եւ օս հայրենակիցները, որոնց արյունահեղությանն էին մեզ մղում՝ նորից տանելով դեպի Սուխումի եւ Ցխինվալի: Դա ընտրություն էր պատերազմի եւ խաղաղության, ավերածությունների ու կառուցման, պետականության կորստի եւ ինքնիշխանության ամրապնդման միջև: Ուստի, մենք պետք է հաղթենք սահմանադրական մեծամասնությամբ, որպեսզի ոչ ոք չհամարձակվի մեզ ներքաշել անկարգությունների մեջ, եւ մենք կարողանանք խաղաղ պայմաններում միավորել մեր երկիրը,- ասաց Շավլա Պապուաշվիլին:

ՀԱՅԱՍՏԱՆ. Փաստեր, իրադարձություններ

«ՎՐԱՍԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՀԱՅԱՍՏԱՆԻ ՎԱՐՉԱՊԵՏԸ ՄԱՍՆԱԿՑԵՑ BRICS ԳԱԳԱԹՆԱԺՈՂՈՎԻՆ

Հոկտեմբերի 24-ին, աշխատանքային այցի շրջանակներում, Հայաստանի վարչապետ Նիկոլ Փաշինյանը Ռուսաստանի Կազան քաղաքում մասնակցեց BRIC գագաթնաժողովին:

Հայաստանի վարչապետի խոսքով, Կազանում BRICS գագաթնաժողովին բարձր մակարդակով ներկա գտնվելը կարևոր է Հայաստանի համար, մասնավորապես, որ BRICS գագաթնաժողովը վերաբերվում է գլոբալ հարավի խնդիրներին:

Վարչապետի կարծիքով՝ BRICS գագաթնաժողովը հնարավորություն է տալու այդ թվում՝ խնդիրների լայն շրջանակներում նախագիծը ներկայացնելու համար:

- Ոչ պակաս շարժառիթ մեծ է, որ հրավեր են ստացել ՌԴ նախագահից անձամբ ել ընդունել են այդ հրավերը: Կարծում են, որ այնտեղ գտնվելը կարևոր է Հայաստանի Հանրապետության համար, - ասաց Նիկոլ Փաշինյանը:

Կազանում, գագաթնաժողովի շրջանակներում, Նիկոլ Փաշինյանը հանդիպում ունեցավ Իրանի նախագահ Մատուլ Փեզեշքիանի հետ:

Զրուցակիցները քննարկեցին երկկողմ օրակարգին վերաբերող հարցեր:

Մասնավորապես, անդրադարձ կատարվեց տնտեսության, էներգետիկայի, ենթակառուցվածքների ոլորտներում համագործակցությանը վերաբերող հարցերի:

Սուրբեր են փոխանակվել տարածաշրջանային եւ միջազգային նշանակության հարցերի շուրջ: Զրուցակիցները կարեւորեցին խաղաղության եւ կայունության ապահովման ուղղությամբ հետևողական քայլերի իրականացումը: Հայաստանի եւ Իրանի ղեկավարները համոզված են հայտնել, որ երկկողմ ամուր եւ խոր հարաբերությունները կնպաստեն տարածաշրջանային փոխգործակցության զարգացմանը:

ԿԱՌԱՎԱՐՈՒԹՅԱՆ «300 ԴՊՐՈՑ, 500 ՄԱՆԿԱՊԱՐՏԵՋ» ԾՐԱԳԻՐԸ ԳՈՐԾՈՒՄ Է

Հոկտեմբերի 23-ին, Հայաստանի վարչապետ Նիկոլ Փաշինյանի գլխավորությամբ, անցկացվեց խորհրդակցություն, որի ընթացքում քննարկվեց կառավարության «300 դպրոց, 500 մանկապարտեզ» ծրագրի կատարման ընթացքը:

Փոխվարչապետ Տիգրան Խաչատրյանի հայտարարությամբ, ընդհանուր առմամբ, ավարտվել կամ իրականացման տարբեր փուլերում են գտնվում 223 դպրոցի եւ կրթահամալիրի կառուցման, հիմնանորոգման եւ վերանորոգման աշխատանքները: Ըստ այդմ՝ կառուցման աշխատանքը վերաբերում է 183 դպրոցի, հիմնանորոգման աշխատանքը՝ 17, նորոգման աշխատանքը՝ 23 դպրոցի: 223 դպրոցները, ըստ աշակերտական հզորության, 72 հազար են, իսկ 300 դպրոցի դեպքում աշակերտների թիվը կլինի 100 հազարից ավելի:

Փոխվարչապետի զեկուցմամբ, ընդհանուր առմամբ, ավարտվել եւ իրականացման տարբեր փուլերում են գտնվում 364 մանկապարտեզի եւ նախակրթահամալիրների կառուցման ու հիմնանորոգման աշխատանքները: Ըստ այդմ՝ 157 մանկապարտեզում աշխատանքներն ավարտված են, 207-ում՝ ընթացքի մեջ են:



Ծրագրի ընդհանուր բյուջեն կազմում է 342 մլրդ դրամ:

ԱՌԱՆՑ ՎՐԱՍԱՆԻ ՄԱՍՆԱԿՑՈՒԹՅԱՆ «3+3» ՁԵՎԱԶՎՓՈՎ ՀԱՆԴԻՊՄԱՆԸ ԸՆԴՈՒՆՎԵՑ ՀԱՄԱՏԵՂ ՀԱՅՏԱՐԱՐՈՒԹՅՈՒՆ



Հոկտեմբերի 20-ին, Ստամբուլում, անցկացվեց «3+3» ձեւաչափով թվով երրորդ հանդիպումը, որին մասնակցեցին Հայաստանի արտաքին գործերի նախարար Արարատ Միրզոյանը, Թուրքիայի արտաքին գործերի նախարար Հաքան Ֆիդանը, Ադրբեջանի արտաքին գործերի նախարար Ջեյհուն Բայրամովը, Ռուսաստանի արտաքին գործերի նախարար Սերգեյ Լավրովը եւ Իրանի արտաքին գործերի նախարար Սեյեդ Աբաս Արաղչին: Վրաստանը հրաժարվեց մասնակցել հանդիպմանը:

Եւ տարածաշրջանային եւ միջազգային խաղաղությանը եւ կայունությանը եւ պայմանավորվեցին շարունակել համագործակցությունը «3+3» ձեւաչափի շրջանակներում:

Տարածաշրջանային երկրների առաջնային դերին համահունչ, կարեւորելով երկխոսությունը, օգտվելով տարածաշրջանային համագործակցության հնարավորություններից եւ միջազգային կարեւորագույն հարցերի շուրջ անկեղծորեն երկխոսելու կարողությունից՝ քննարկեցին տարածաշրջանին հուզող չլուծված խնդիրները:

Գոհունակությամբ արձանագրեցին տարածաշրջանի բոլոր երկրների միջեւ հարաբերությունների կարգավորման ու զարգացման դրական դինամիկան:

Համաձայնեցին, որ երկկողմ բանակցությունները լրացնելու են կայուն տարածաշրջանային խաղաղության եւ տնտեսական զարգացմանն ուղղված բազմակողմ խորհրդակցությունները:

Վերահաստատեցին, որ «3+3» հարթակի դրաները միշտ բաց կլինեն Վրաստանի միանալու համար:

Նախարարները նախ վկայակոչեցին «3+3» ձեւաչափով տեղի ունեցած նախորդ հանդիպումները, որոնք անցկացվել են Մոսկվայում եւ Թեհրանում: Ընդգծեցին «3+3» տարածաշրջանային համագործակցության հարթակում հեթախան հանդիպման անցկացման կարեւորությունը՝ ներկայիս բարդ զարգացումների պայմաններում, որոնք սպառնում են տարածաշրջանին:

Տարածաշրջանային երկրների առաջնային դերին համահունչ, կարեւորելով երկխոսությունը, օգտվելով տարածաշրջանային համագործակցության հնարավորություններից եւ միջազգային կարեւորագույն հարցերի շուրջ անկեղծորեն երկխոսելու կարողությունից՝ քննարկեցին տարածաշրջանին հուզող չլուծված խնդիրները:

Գոհունակությամբ արձանագրեցին տարածաշրջանի բոլոր երկրների միջեւ հարաբերությունների կարգավորման ու զարգացման դրական դինամիկան:

Համաձայնեցին, որ երկկողմ բանակցությունները լրացնելու են կայուն տարածաշրջանային խաղաղության եւ տնտեսական զարգացմանն ուղղված բազմակողմ խորհրդակցությունները:

Վերահաստատեցին, որ «3+3» հարթակի դրաները միշտ բաց կլինեն Վրաստանի միանալու համար:

ՎԱՎԵՐԱՅՎԵԼ Է ԳՐԱՆՅՎԱԾ ՀԱՆՅԱԳՈՐԾՈՒԹՅՈՒՆՆԵՐԻ ԹՎԻ ԿՏՐՈՒԿ ԱՃ

Հայաստանում 2023 թվականին գրանցված հանցագործությունների թիվը, 2019 թվականի հետ համեմատած, աճել է 13 816-ով կամ 51.4 տոկոսով:

Հայաստանի Գլխավոր դատախազ Աննա Վարդապետյանը, հանդես գալով խորհրդարանական լսումներին, խոսեց հանցավորության վիճակի, բարեփոխումների արդյունքների վերաբերյալ:

- 2019-2024 թվականների ընթացքում մեր հանրապետությունում գրանցված հանցագործությունների թվաքանակը ցուցանիշները հետևյալն են՝ 2019 թվականին՝ 26 850,

2020 թվականին՝ 26 468, 2021 թվականին՝ 30 245, 2022 թվականին՝ 37 612, 2023 թվականին՝ 40 666, 2024 թվականի հունվար-օգոստոս ամիսներին՝ 24 567: 2023 թվականին գրանցված հանցագործությունների թիվը, 2019 թվականի հետ համեմատած, աճել է 13 816-ով կամ 51.4 տոկոսով, - ասաց դատախազը:

Աննա Վարդապետյանի խոսքով՝ արձանագրված հանցագործությունների բացարձակ մեծամասնությունը ոչ մեծ է միջին ծանրության հանցագործություններ են, այսինքն՝ նվազ հասարակական վտանգավորություն ունեցող:

- 2019-2023 թվականների ընթացքում թեեւ արձանագրվել է ծանր հանցագործությունների թվային աճ (1626-ով կամ 36.2 տոկոս), վերջիններիս տեսակարար կշիռն ընդհանուր հանցավորության մեջ նվազել է 1.7 տոկոսով, - նշեց նա՝ հավելելով, որ, 2024 թվականի առաջին 8 ամսվա ընթացքում, նախորդ տարվա

հաշվետու ժամանակահատվածի հետ համեմատած, արձանագրվել է ծանր հանցագործությունների նվազում 437-ով կամ 11.6 տոկոսով: Առանձնակի ծանր հանցագործությունների դեպքերն ավելացել են 16-ով կամ 4.5 տոկոսով:

Առանձնակի ծանր հանցագործությունների թիվը (առանց հանկարծամահությունների հաշվառման) 2023 թվականին կազմել է 546, 2019 թվականի հետ համեմատած՝ աճելով 262-ով կամ 92.2 տոկոսով:

ՄԻԳՐԱԿԱՑԻՆ ԳԻՏԱԺՈՂՈՎ՝ «ՀԱՅՈՑ ԶԵՂԱՍՊԱՆՈՒԹՅԱՆ ՀԱՆՁՆԱՑՄԱՆ» ԹԵՄԱՅՈՎ

Հայոց ցեղասպանության թանգարան-ինստիտուտում, հոկտեմբերի 23-ին մեկնարկեց եւ մինչեւ հոկտեմբերի 25-ը կշարունակվի միջազգային գիտաժողով՝ «Հայոց ցեղասպանության միջազգային ճանաչումը. տասնամյակների անավարտ պայքարի հիշողական, քաղաքական եւ աշխարհաքաղաքական ուղեցուցիչները» թեմայով:

Գիտաժողովին մասնակցելու են շուրջ երեսուն գիտնական Հայաստանից, Ֆրանսիայից, ԱՄՆ-ից, Բելգիայից, Գերմանիայից, Լեհաստանից, Լիբանանից, Բրազիլիայից, Արգենտինայից, Նոր Զելանդիայից, Հնդկաստանից, Ավստրալիայից, Իռլանդիայից, Ֆինլանդիայից եւ Իսպանիայից:

ՀՈՐԵԼՅԱՆԱԿԱՆ ԵՐԵԿՈՒՆԿԻՐՎԱԾ ՍԵՐՁԵՅ ՓԱՐԱՋԱՆՈՎԻ 100-ԱՄՅԱԿԻՆ

Հայաստանի կրթության, գիտության, մշակույթի եւ սպորտի նախարարության աջակցությամբ, հոկտեմբերի 21-22-ին, Երեւանի Ալ.Սպենդիարյանի անվան օպերայի եւ բալետի ազգային ակադեմիական թատրոնում, կայացավ Սերգեյ Փարաջանովի 100-ամյակին նվիրված հորելյանական երեկո:

Հորելյանական երեկոյի կազմակերպիչներն են Հայաստանի պետական ֆիլիարմոնիան եւ Փոքր թատրոնը:

Երեկոյի ռեժիսորն է Վահան Բաղալյանը, տեսաշարը՝ Ալբերտ Մովսիսյանի, Լուսինե Չերգեշյանի, երաժշտությունը՝ Սերգեյ Ուրոյանի:

Սերգեյ Փարաջանովի 100-ամյակի հորելյանական ընդգրկված է Հայաստանի կառավարության հորելյանական միջոցառումների ծրագրում եւ ՅՈՒՆԵՍԿՕ-ի հռչակավոր մարդկանց եւ կարեւոր իրադարձությունների հորելյանների 2024-2025թթ. օրացույցում:

ՀԱՍԱՐԱԿԱԿԱՆ ՏՐԱՆՍՊՈՐՏԻՑ ԾՔՏՎԵԼՈՒ ՊԱՐՏԱԳԻՐ ՊԱՅՄԱՆԸ 100 ԳՐԱՄԱՆՈՑ ՄԵՏԱՊԱԳՐԱՍՈՎ ԿԱՍ ՈՐ ԿՈՂՈՎ ՎՃԱՐՈՒՄ Է



Նոյեմբերի 1-ից հասարակական տրանսպորտի մասնավորապես՝ M A N, ZhongTong եւ GazelCity մակնիշի փոխադրամիջոցների օգտվելիս՝ պարտադիր պայման է լինելու 100 դրամանոց մետաղադրամի առկայությունը կամ ավտոբուսներում տեղադրված վճարային համակարգով QR կոդի միջոցով վճարում իրականացնելը: Այս փոփոխության նպատակը հունվարի 1-ից սպասվող միասնական տոմսային համակարգին սահուն անցում կատարելն է, որից հետո ուղեւորներին կառաջարկվեն մշտական օգտագործման քարտեր, բանկային քարտեր, բջջային հավելվածով վճարումներ:

Երեւանի քաղաքապետարանից հիշեցնում են, որ այն ուղեւորները, ովքեր երբեք չեն գնել QR ուղեւորման Telcell Wallet-ով, ապա, հոկտեմբերի 21-ից նոյեմբերի 30-ը ընկած ժամանակահատվածում, գնելով առաջին QR ուղեւորման, Telcell Wallet հավելվածում կարանան 10 անվճար QR ուղեւորման (ավտոբուս/մետրո): Նվերը միանվագ է ու հասանելի է միայն առաջին անգամ QR ուղեւորման գնած օգտագործողի համար:

ԵԿԵՂԵՑԱԿԱՆ

**29.10.2024 ՆԱԵՐԻՆՈՒՄ** **ՀՈԿՏԵՄԲԵՐ - ՆՈՅԵՄԲԵՐ** *հինգերի եւ ամ- հայտներին*  
 Մեծերի անուանված Սեբաստացու, Բաբելա Ծերունու եւ Արա Ութունցորս աշակերտների հիշատակության օր



Յայ եկեղեցին այս տոնով նշում է բոլոր այն Արբերի հիշատակը, որոնց անունները չեն անցել Տոնացույցի կամ եկեղեցական օրացույցի մեջ, սակայն նրանց Սուրբ անունները գրված են Երկնքի արքայության սրբազան մատյանում:

**31.10.2024 ԳԻՅՈՒՄ** **Մուր Գուր** *հան Ոսկերեղան Գայրապետի*

**2.11.2024 ՏՈՆ ԲՈՂՈՐ ԱՐԲԵՐԻ** *հինգերի եւ Որբերի, հայտ-*

ԿՐԹԱԿԱՆ

ԸՆՏՐՈՎԻ ԱՌԱՐԿԱՆԵՐԻ ԴԱՍԱՎԱՆԴԱՆ ՀԱՄԱՐ՝ ՎԱՐՉԱՏՐՈՒԹՅԱՆ ՆՈՐ ԿԱՐԳ

Վրաստանի կրթության եւ գիտության նախարարության հաղորդագրության համաձայն՝ ուսուցիչների աշխատավարձի կանոնակարգում փոփոխություն է տեղի ունեցել, ըստ որի, ընտրովի առարկաների դասավանդումը կփոխհատուցվի աշխատավարձի վճարման նոր կարգով:

«Աշակերտների մտահորիզոնի ընդլայնման եւ գիտելիքների հարստացման նպատակով՝ ազգային ուսումնական պլանը միջնակարգ մակարդակում սահմանում է ընտիր առարկաների բազմազան ցանկ, ինչպես նաեւ հնարավորություն է տալիս դպրոցին՝ հաշվի առնելով աշակերտների հետաքրքրությունները, կազմել այլ դասընթաց եւ, նախարարության հետ համաձայնեցնելուց հետո, ներառել ուսումնական գործընթացում:

որոնք ներառում են երկու կամ ավելի առարկայական խմբեր (օրինակ՝ մեդիագրագիտություն)»,- ասված է նախարարի հրամանում:

Աշխատավարձի նոր բաժնետիր համաձայն 2024 թվականի հունիսի հանրակրթական դպրոցների ուսուցիչների աշխատավարձը կախված է ոչ թե ուսուցչի կարգավիճակից (ավագ, ղեկավար, մենթոր), այլ աշխատանքային ժամային ծանրաբեռնվածությունից:

Աշխատավարձի նոր բաժնետիր համաձայն՝ նախարարությունը չեղյալ է համարել ուսուցիչների կարգավիճակի հավելավճարը եւ բարձրացրել ժամավճարը, ինչը հանգեցրել է որոշ ուսուցիչների դժգոհությանը:

Ընտրովի դասընթացները կվճարվեն աշխատավարձի նոր կարգով:

Դա վերաբերում է նաեւ օտար լեզուների խմբում ընդգրկված բոլոր առարկաներին եւ այն ընտրովի առարկաներին,

ՄԱՅՐԱՔԱՆԱԳ

ՄԱՍՏՐԵՂԻԱՅՈՒՄ ԲԱՅՎԵՅ ԿԱՆԱ ԿԱՆԱՁԵԻ ԱՆՎԱՆ ՖՈՒՏԲՈՒԻ ԿԵՆՏՐՈՆ

Հոկտեմբերի 18-ին, Վրաստանի վարչապետ Իրակլի Կոբախիձեն, Սամտրեդիայում մասնակցեց Կախա Կալաձեի անվան նոր ֆուտբոլային կենտրոնի բացման արարողությանը:



Կառավարության ղեկավարը շնորհավորեց սամտրեդիացիներին՝ ֆուտբոլային համալիրի բացման կապակցությամբ:

Վարչապետը շնորհակալություն հայտնեց Վրաստանի ֆուտբոլի ֆեդերացիային, Ֆեդերացիայի նախագահ Լեւան Կոբիաշվիլուն, ինչպես նաեւ ՖԻՖԱ-ին եւ ՈՒԵՖԱ-ին՝ նախագծին աջակցության եւ ծրագրի իրականացման մեջ ներգրավված բոլոր մարդկանց համար:

Նշենք, որ Սամտրեդիայի ֆուտբոլային կենտրոնում կազմակերպվել են երկու ստանդարտ չափերի, արհեստականորեն ծածկված դաշտեր՝ լուսավորությամբ եւ 200 հանդիսատեսի համար նախատեսված տրիբունայով: Կառուցվել է նաեւ վարչական շենք: Ֆուտբոլի նոր կենտրոնի բացման արարողությանը մասնակցել են Թբիլիսիի քաղաքապետ Կախա Կալաձեն, Ֆուտբոլի ֆեդերացիայի նախագահ Լեւան Կոբիաշվիլին, ՖԻՖԱ-ի եւ ՈՒԵՖԱ-ի ներկայացուցիչներ:

ԲՈՆՑՔԱՄԱՐՍ

ԱՄԱԼՔԱՆԱԲՅԻ ԳՈՒ ԱՅՎԱՉՅԱՆԸ՝ ԵՎՐՈՊԱՅԻ ԲԱՌԱԿԻ ԶԵՄՊԻՈՆ

Բուլղարիայի մայրաքաղաք Սոֆիայում եզրագծող հատեց եվրոպայի երիտասարդական առաջնությունը: Վրաստանը ներկայացնող 12 բռնցքամարտիկներն իրենց ակտիվում գրանցեցին մեկ ոսկե, մեկ արծաթե եւ մեկ բրոնզե մեդալներ:



Եվրոպայի չեմպիոնի տիտղոսը նվաճեց Ախալքալաքի մարզադպրոցի սան, 23-ամյա Գոռ Այվազյանը: Նա մրցաշարի եզրափակիչում 4:1 առավելության հասավ հայաստանցի մարզիկ Ռուսլան Ասլիկյանի նկատմամբ եւ նվաճեց չեմպիոնի ոսկե մեդալը: Մինչ այդ, Գոռ Այվազյանը իր հաղթարշավի ճանապարհին առավելության հասավ Բուլղարիայի ներկայացուցիչ Նիկոլայե Մարինովի, ուկրաինացի Դենիս Ռոստոլսկու, իռլանդացի Շայն Ռայենի եւ անգլիացի Լեոնարդո Վուդի նկատմամբ:

արժանացավ եվրոպայի չեմպիոնի կոչման: Մինչեւ 57 կգ քաշային կարգում Այվազյանը երկու անգամ արդեն եղել է եվրոպայի պատանեկան առաջնության չեմպիոն, մեկ անգամ՝ Եվրոպայի երիտասարդական առաջնության հաղթող եւ ահա հիմա նա դարձավ եվրոպայի U23 առաջնության չեմպիոն:

լավ հնարավորություն ուներ Վրաստանի հավաքականի անդամ Թաթիա Բուկիան: Նա 81 կգ քաշային կարգում, եզրափակիչ մրցամարտում, զիջեց Ուկրաինայի ներկայացուցչին եւ բավարարվեց արծաթե մեդալով:

ՏԻԳՐԱՆ ՍԻՐԱԴԵՂՅԱՆ

1	2	3	4	5	6	7	8	9	10
11							12		
13				14			15		
			16				17		
		18	19	20	21		22		
23	24					25			26
			27						
28						29			30
			31		32				
		33	34					35	36
37				38		39	40		
41							42		
				43					

ՆԱԽՈՐԴ ՀԱՄԱՐԻ ԽԱՉՔԱՆՈՒ ՊԱՏԱՍԽԱՆՆԵՐԸ

**ՀՈՐԻՉՈՆԱԿԱՆ.** 4.Յայ լեզվագետ, բացատրական բառարանի հեղինակ: 11.Մետաղամշակման հաստոցի տեսակ: 12.Կրկեսի ժամանակավոր շենք: 13.Լուսային հոսքի միավորը՝ ՍԻ համակարգում: 14.Գերմանացի ֆիզիկոս, քվանտային տեսության հեղինակ: 15.Արհեստավորի կահավորված սեղան: 19.Ուրարտական թագավոր: 23.Մարմնամարզիկ: 25. Շան կլանչոց, վնասող: 27.Տաք հագուստ: 28.Լիթվական քնարերգության հովանավոր մուսան հունական դիցարանում: 29.Գանձ: 31.Ֆլորեթի պատմավեպ: 37.Ժողովը իրավագոր ճանաչելու համար անհրաժեշտ ձայների քանակը: 38.Գերմանացի կոմպոզիտոր: 40.Ապացույց չպահանջող դրույթ: 41.Պայթուցիկ նյութ: 42.Վրացական ամենահայտնի մարզական ակումբը: 43.Ամռան ամիս:

**ՈՒՂՈՒՄՅԱՆ.** 1.Ծովային կաթնասուն: 2.Յանելուկի տեսակ: 3.Գերմանացի իդեալիստ փիլիսոփա: 5.Կենդանական եւ բուսական հյուսվածքների բաղադրիչ: 6.Իտալացի գրող, «Չիպոլինոյի արկածները» հեքիաթի հեղինակը: 7.Թրջված ու ծլած ցորեն, գարի: 8.Վրացական ֆուտբոլի վետերան ...

Շենգելիա: 9.Ավստրալիական վայրի շուն: 10.Գյուղատնտեսական աշխատանքի տեսակ: 16.Տարբեր բույսերի խաչասերում: 17.Ռուս հոկեյիստ, Օլիմպիական չեմպիոն: 18.Ջարգացման ցածր աստիճանի վրա գտնվող մի քանի ժողովուրդների հավատալիքներում՝ ցեղի նախահայրն ու հովանավորը համարվող ու պաշտպանմունքի առարկա դարձած կենդանի (երբեմն նաեւ բույս եւ այլն): 20.Վրաստանի պատմական երկրամասի բնակիչ: 21.Մետաքս արտադրող թրթուր: 22.Հաշվապահական հաշվեկշռի մի մաս: 24.Մանրահատիկ նստվածքային ապար: 26.Կերպարվեստի ժանր: 28.Եռատերեւ դաշտային ծաղկաբույս: 30.Երաժշտական գործիք: 32.Ալ.Դյունայի եռերգության հերոսներից: 33.Վրաստան վառելիք մատակարարող օտարերկրյա ընկերություն: 34.1981 թվականի Թբիլիսիի «Դինամոյի» կիսապաշտպան: 35.Քիմիական որրել տարրի միացությունը թթվածնի հետ: 36.Յայ մեծ բանաստեղծ: 38.Երկրաչափական մարմին: 39.Թումանյանի պոեմի հերոսներից:

Կազմեց ԷԼԼԱ ԱՌԱՐԵԿՅԱՆԸ

Գլխավոր խմբագիր՝ ՎԱՆ ԲԱՅԲՈՒՐԹՅԱՆ  
 Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ  
 Յամարի պատասխանատու՝ ԳԱՅԱՆԵ ԲՈՍԱՆՋՅԱՆ  
 Յամակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԾՈԼՈՆՈ 0105, Ճ.ՃՄԹԵՅԼՈՆ ԺՅՅԱ 5,  
 Մեր հասցեն՝ Թբիլիսի 0105 Գ.Աթոնելի փ. 5  
 ԹՅԼ. Հեռ. 2990-739, 2990-774  
 www.vrastan.ge E-mail: vrastan.press@gmail.com  
 Գրանցման վկայական № 4 Կ - 1439  
 «ԿՈՆՈՐ» հրատարակչություն

«ՅՐԱՆԵՅՈՆ»  
 ՄԾՈԼՈՆՈ, ՆԱՅՅԵՄՅԵՄԼՈ  
 «ՅՐԱՏԱՆ»  
 Тбилиси, Грузия  
 <VRASTAN>  
 Georgia, Tbilisi  
 Индекс 66445